



長河志籍攷題辭

維桑與梓必恭敬止詩言之矣

余情結牢落景入崦嵫倦言鄉國俛仰興懷披閱殘志但成悵恨錯舉則紛遯無倫雜述亦踳駁鮮要方鑿圓枘鉏鋸難從翔鳥游魚蹉跎不狎因之周流輿籍詳觀圖謀逋髮搨管鳩集斯

題辭

文語有背馳取其長而委其短事多疊肆筆其一以削其餘撫英略穢彙聚類分飭以藻采學彼駢麗敢云盟飫膏液咀嚼英華摯虞小生之譏庶有豸乎然而離寒歷暑銷燭研露何當措翰使復覈精縱或鼎新乎已意亦豈遠詭于曩聞爲茲編也柴

桑有情秋鱸堪憶藉以釋我胃  
春代樹萱蘇豈謂藏山之名播  
於士林哉異鄉之耆德英彥補  
綴周備尤其幸焉楊銜之伽藍  
之記孟元老夢華之錄大槩如  
斯矣

康熙戊寅七月蒙齋田雯題

九河圖



河逆

河氏屯



州有志舊籍亡矣。新志引春秋襄公二十五年同盟於重丘。又清類天文分野書云：陵縣春秋爲重丘齊地。又應劭之言曰：安惠縣北五十里有重丘故城。又漢志平原郡有重丘縣。又曰：不詳其處，謬矣。曰：戰國屬齊，亦屬趙。屬齊據杜氏通典，又據姓譜，言齊宣王之弟封於平原陸鄉，屬趙則本於趙勝之封平原君。司馬遷云：平原君封於東武城，乃貝州清河郡地。漫無所考。曰：惠州禹貢冀兗二州之域，衛河在州城西門外。河以東屬兗，河以西屬冀，膠柱之見也。山川風土之寥廓，天文分野之躔次，豈若煙戶之氓，北舍南鄰，豚柵鳴欄，之以尺寸限哉。曰：衛河卽漢之屯氏河。隋大業中疏爲永濟渠，其源自河南輝縣合滏洹淇三水東流，至館陶界，與漳河合。至清淵與會，通河合。北來自武城縣入州境，又北至桑園出境。逕

卷一

東光滄州天津下直沽入海是矣。乃引于東阿筆塵云：煬帝開永濟渠，因沁水南連於河北通涿郡。其說相左，何略不置辨也。曰：董仲舒廣川人，廣川今之景州。從舊志故列之，似非得已。何以強列於人物之首也。又曰：土人掘地及泉，得石刻曰：董子讀書臺。石如玉版，字若琅書。旣非董子故里，而何以得此石哉。古之疆域固犬牙錯也。廣川之境亦大矣。况惠州卽廣川而掘泉得石之處，相去不過二十里。安知非治公羊春秋時下帷處也。卽援藉以爲州乘重，未爲不可。何泥於今而囿於古耶。曰：攷之漢晉二志，平原郡治平原縣，而隋唐以下所謂惠州者，乃今之陵縣。蕭望之伏湛諸人，猶今之濟南知府而已。因舊志開載，故仍之。夫仍者沿襲之謂也。旣自知其沿舛襲訛，而又於舊志之外，摭摭多人，以炫學問之宏，取

宋移將陵縣治於長河鎮。今城西臨衛河。卽隋之永濟河也。而近代志書多未及長河故縣之名。豈從政者新。未視故府耶。

論曰。昔惠水沉鐘於秦代。本號黃河。安陵氏邑于漢家。聞諸赤縣。平津以封於故相。鬲海尚著於今圖。然而爲茲說者有數難焉。漢之平原。治于平原。唐之平原。治于安惠。自州郡遞遷。陵惠互易。稱之則別。有今縣之名。舍之則又失古郡之號。此一難也。昔楚吳鄰境。實有讓田。宋鄭之間。猶存隙地。屬平原矣。不辨信都之國。割安惠矣。未達長河之治。稱樂陵。遂疑陵縣之東。言菑縣。又謂弓高所在。東則東方遺像。幾同愚叟之移山西。則董生下帷。又類魯人之徙宅。徵人徵鬼。古是今非。城郭非遙。郊圻自遠。遭遇者莫知其地。談論者空識其名。此一難也。移將陵於舊鎮。陵旣非。陵徙惠州於故陵。惠又非。惠然則今之州治。豈同何有之鄉。神仙畱打麥之村。山石耕五倉之畝。哉爲之說者。馬頰未銜。鹿角靡解。此一難也。若夫平原之嶺。卽傍厭次之津。永濟爲渠。無非屯氏之水。俾方朔割肉于里社。仲舒窺園于竹林。孔樹樹碑于菑縣。太公賣食于棘津。煬帝修名于具敖。秦皇病甚于鼎湖。淮陰渡水于故道。公孫館客于侯都。言九河直與許商行視。爭二郡復竝孫禮。按圖謂之長河舊縣。不亦可乎。

州城魏泰和間築。

本嘉靖間志。山東通志。

卽古之小壺城也。元史崔敬傳言。

至正間陵州無城郭。明洪武三十年始有之。正德六年外增羅城。卽今遶城堤也。門五。

南頭一門曰朝陽。南出通恩縣路。東南通平原路。東頭一門。

曰長樂長樂郡名晉改廣川爲長樂水經注云長樂故信都也東據方山其地本漢厭次之境東方大中之所居也東北通惠平路東出通陵縣路北頭一門曰拱極西北通景州路正北出桑園路西頭近北有小西門曰廣川廣川者漢縣也有浮梁舊名廣川橋渡衛河通景州路景州東南有廣川臺又有董子祠凡董子故蹟在景州東南則在惠州西北廣川之地二州有之廣川之門爲古正西一門曰定邊載見嘉靖通志定邊者古名也五代時石晉以燕雲路遠凡十六州地幽今謂之山前七州宋人承其後遂以白溝河爲界統兵要害在近邊未嘗遠戍境外瀛莫諸州悉是邊地故有定邊之名矣元明建都於燕檀順諸州悉是畿內之地今志改聚秀失定

卷一

邊之名陋矣西踰衛河通衛水路先賢孔穎達舊里也西南通故城路

論曰昔開陽飛柱或記瑯琊雷門擊鼓遙聞會稽河南透鼎門之口東都掛逢氏之冠門郭相經街衢洞達五門所以名也是以朝丘舊縣南望朝水之陽廣川直流東達長河之岸長樂之郡不遠小壺之城在茲及宋家承石晉之餘明室繼有元之後玉斧畫地白溝河自此定邊黑帝司晨叶光紀於以拱極余所以表列門名旁通八境也

南至東昌府恩縣戰國趙平原君封邑地漢清河郡後漢晉宋後魏因之隋分武城及鄒縣置歷亭縣唐歷亭縣屬貝州宋改清河郡爲恩縣屬高唐州按恩縣西四十里卽舊恩縣遺址清河平原二郡連竟三國魏時爭界孫禮之所按圖者也

按將陵古縣名。漢書外戚恩澤侯表。將陵哀侯史魯有舊恩封。隋唐別有將陵縣。在州北。此時縣名長河。不名將陵。至宋景祐元年。移將陵於長河。始名將陵也。新唐書志。縣稱上中下望。緊安惠。稱緊。將陵稱望。長河稱上。若志安惠。可云唐爲惠州平原郡緊縣。道長河。可云惠州平原郡上縣乎。覽者不悟。或疑望爲縣名。殊失記載之體。當云隋爲平原郡之安惠。長河二縣地。廣川改名長河。隋志雖無安惠。而舊唐書志云。至隋不改。唐因之。又移長河縣於小壺城。卽今州是。五代時廢長河爲鎮。宋元明如志。今依其世代編之。以備地理之記焉。

蒙齋 田雯 編

惠州古平原郡。隋之長河縣也。長河縣始在河西。後移置河東。所謂永濟河。隋渠名。即今之衛河。今州城在其東。即長河縣河東之小壺城也。唐末廢為長河鎮。宋移將陵縣治于此。元曰陵州。明改惠州。按古今州治有二。東與西辨焉。東為漢平原郡之安惠。古德字縣地。後漢安惠侯國屬平原郡。晉屬平原國。宋屬平原郡。後魏屬樂安郡。又於般縣置安惠郡。隋置惠州。又為平原郡。唐復置惠州。治安惠縣。天寶元年改為平原郡。乾元元年復為惠州。歷宋金元。至於明初。皆為惠州。此古惠州治也。今為陵縣。惟割二鄉為今州東地。故今州得稱安惠。嘉靖間山東通志云。陵縣土城在平原郡城之內。即顏魯公禦安祿山處。延袤甚闊。今陵縣城正德六年改築。是古

卷一

惠今陵之證也。而州西為漢之信都國廣川縣地。後漢屬清河國。晉屬勃海郡。又屬廣川郡。後魏屬長樂郡。隋避煬帝諱改曰長河縣。屬平原郡。唐屬惠州。漢書地理志。信都國廣川縣。顏師古曰。闕駟云。其縣中有長河為流。故曰廣川也。舊唐書地理志。隋於舊廣川縣東八十里置新縣。尋改長河為水。壞。元和四年移就白橋於永濟河西岸。置縣。東去故城十三里。十年又置河東小壺城。惠州領安惠平原長河將陵平昌五縣。宋史地理志。景祐元年移將陵縣治於長河鎮。元史地理志。陵州本將陵縣。隸濟南路。今州學碑文稱陵州其證也。明洪武十三年改為陵縣。永樂七年以陵縣為惠州。而以惠州舊治為今陵縣。屬濟南府。領惠平原二縣。此今惠州治也。按古小壺城在永濟河東。唐元和十年所徙之長河縣也。後廢為鎮。故

材之富。吾所莫解。孟但殷忠。見於史記。皆仲舒弟子。亦廣川人。不書可也。東方曼倩。平原厭次人。何以不書。志之疎陋。大率類此。作志與作史有別。紀善不紀惡。金之崔立。可以不書矣。而書災異。渾其名曰紀事。多牽連乖戾之詞也。書火蓮。美其文曰節婦。亦異端惑世之術也。君子於此。皆欲刪正之。無足採焉。是以上按舊聞。芟摭遺逸。別爲一編。頗以愚昧。有所論辨。第才愧著述。多有脫漏。世之君子。詳其闕焉。蒙齋田雯識

封域論云。州在唐爲將陵。本漢之安惠縣地。至宋移治長河鎮。而其名未著。

按州之爲長河也。其名著矣。在漢爲信都國之廣川縣地。廣川卽是長河。水經云。淇水過館陶。清淵廣宗。東武城。又北過

卷一

二

廣川縣東。酈注云。縣有長河爲流。故曰廣川。顏師古曰。仁壽初。避諱。改長河。隋唐二書志俱云。長河縣屬惠州。舊通志五代時廢爲長河鎮。宋史景祐元年。移將陵縣於長河鎮。元置陵州。明置惠州。是惠州之地。漢晉號曰廣川。隋唐名曰長河。始則爲縣。後廢爲鎮。移將陵於長河。改陵縣爲惠州。奈之何其未著耶。夫不知長河。則不知廣川矣。又焉能識漢相之粉榆。別醇儒之桑梓乎。按棗強之縣。亦有廣川。弓高之鄉。旣連舊治。衡水爲衡漳之水。卽是武邑所分。棘津有棘津之亭。亦言呂望所隱。董生下帷。當在茲地。而越人見蜀疑毳。是怪所不可怪也。夫東方尚曉。畢方海民。猶獲長臂。不怪所不可怪。則石室等負貳之尸。玉杯無垣平之詐矣。

州志云。夫元人立州省而名陵可也。降而爲縣。則復古將

陵之名豈不明白易曉而曰陵縣是當日儒臣之陋矣州西徙則曰陵州縣東立則復安惠又豈不明白易曉而彼此互名是當日儒臣之尤陋矣

按古縣有將陵焉有樂陵焉有安陵焉亦有專名陵者水經漳水又東北至樂城陵縣注云漢桓帝以其邑奉山陵故加陵曰樂陵又水經云屯氏別河又東北逕陵鄉南凡言陵者或事單文或如複姓若古惠今陵則近樂陵之地古陵今惠又是將陵之餘如陵必將陵惠必安惠則水經必無陵縣而年表應無惠侯惠者本以惠水爲名史記封禪書昔秦文公出獵獲黑龍此其水惠之瑞於是秦更名河曰惠水惠州古九河之地黃河所經漢縣名爲安惠者以其惠水安瀾耳是惠先安惠今陵縣尚有惠水俗呼十里河且郡縣之名古今

卷一

不一如陵谷之變遷比春秋之遞代或通俗文或循古雅隨時改易圖籍在焉若夫史之闕文何陋之有

州志沿革漢爲平原郡之安惠縣地後漢因之爲侯國晉爲安惠縣屬平原國南宋屬平原郡後魏屬勃海郡後改屬安惠郡

按二縣安惠地是已此與今陵縣同爲州之東境地其州之西境本古長河縣則漢之廣川當云漢爲平原郡之安惠信都國之廣川二縣地後漢爲安惠侯國廣川屬清河國晉安惠屬平原國廣川侯相屬勃海郡南宋安惠屬平原郡又於廣川縣置郡後魏安惠屬樂安郡廣川因之

州志沿革隋開皇十六年分安惠置將陵縣屬平原唐爲惠州郡望縣

東南至平原縣春秋時屬齊後為趙平原君食邑二漢屬平原郡晉屬平原國宋屬平原郡後魏屬安惠郡後齊省郟縣入隋屬平原郡開皇十六年復析置郟縣唐太和二年屬齊州三年改屬惠州平原郡五代宋金元明並仍舊今因之按漢書地理志平原縣有篤馬河西南有郟城後漢馬武為郟侯卽此西北二十里有漢繹幕城是平原之篤馬河今陵縣惠州並有之及漢之郟縣繹幕縣皆今惠州之連竟也

東至陵縣陵縣故惠州也春秋時為齊重丘地二漢為安惠縣晉宋屬平原郡後魏屬安惠郡隋唐置惠州歷宋金元明初皆為惠州永樂間始於此地置陵縣名為陵者西晉北魏曾置東安陵縣省安陵入東光唐將陵屬惠州後周復併安陵入將陵宋移將陵於長河鎮屬永靜軍金屬景州元升為陵

卷一

州屬濟南路改屬河間路明以河東亦有陵州改為縣尋以

陵縣置惠州而以故惠州為陵縣屬濟南府州志論畧曰枕

界景州南連恩縣今之所謂惠州乃昔之所謂將陵縣所謂

陵州者也東南倚馬頰河東北為神頭店即古之厭次今之

所謂陵縣乃昔之所謂惠州所謂平原郡所謂安惠縣者也

何以明其然也明史云惠州唐初為惠州後改平原郡又仍

為惠州元初割大名之清平濟南之齊河來屬領縣五安惠

平原齊河清平惠平而金史云安惠有兩津河有鎮四曰磁

博嚮化盤河惠安齊乘云厭次古城在州東北二十里平原

嶺在州東南七十里嶺上有鹿角關是惠州在東之證也元

史云陵州本將陵縣宋金皆隸景州憲宗三年割隸河間府

是年升陵州隸濟南路至元二年復為縣三年復為州仍隸

河間路而金史云景州將陵縣置河倉有永濟渠鈎盤河水

濟渠卽今之衛河是陵州在西之證也唐平原太守顏真卿

所書之碑在平陵縣是今之陵縣惠州也平原也元陵州儒

學俾在今惠州是今之惠州陵州也一變自元人升縣為州

以昔之將陵縣省而名陵再變自洪武中降州為縣不名將

陵而僅名以陵之一字又以安惠縣并入惠州三變自永樂

十三年徙州近河以陵縣為惠州以惠州為陵縣更互其名

而二三百之後已茫然不可辨故建文以前之史其言惠

州者乃今之陵縣永樂以後之記載文移其言惠州者乃今

之惠州夫元人立州省而名陵可也降而為縣則復古將陵

之名豈不明白易曉而曰陵縣是當日儒臣之陋已州西徒則復曰陵州縣東立則復曰安惠又豈不明白易曉而彼此互名是當日儒臣之尤陋已是以知五石六今因之按陵縣鷄非聖人不能書後之人乃以二金鍾惑也

有惠水俗呼十里河故州以此名又有古平原城在陵縣遶城之外卽古郡城

東北至惠平縣漢平昌縣屬平原郡後漢晉爲西平昌宋復爲平昌後魏天平初屬安惠郡後齊省鬲縣重平縣入隋唐屬惠州貞觀十四年省盤縣入後唐改名惠平宋熙寧六年省入安惠縣金復名惠平屬惠州元明仍舊今因之按惠平縣西南有鉤盤河今尚謂之盤河店惠平西南則惠州之東北竟也縣東北有盤城卽漢盤縣字亦作般昔縣人禰正平恃才倜儻孔文舉謂騁奇麗爲非常之寶酈善長云肆狂狷于無妄之世孟惠景升以厲節莫容猶愛才忍辱雖保身不足

卷一

五

黃祖洵死公矣東南有鬲城漢置周圍三里址尚存又有舊鬲城北有朱祐墓光武功臣封鬲侯鬲城以鬲津得名者也惠平西南二十五里有鯨堤傳伯鯨所築斷續十里凡在惠平西南皆與惠州共之者也

北至河間府吳橋縣本隋將陵縣地屬平原郡唐置惠州金始於縣之吳川置吳橋縣屬景州元明仍舊今因之按舊唐書地理志將陵漢縣隋分安惠於將陵故城置此縣金史云樂陵與將陵俱有鉤盤河又按古黃河在吳橋縣城南西南接惠州東北入寧津界歲久枯塞河堤存焉

西北至景州漢鬲縣地屬平原郡晉屬平原國後魏屬安惠郡隋置弓高縣唐置觀州又於弓高縣置景州後廢復置東光縣後周改定遠軍宋改永靜軍金元復爲景州徙治蓆縣明

以菑縣省入今因之。按菑字亦作脩音條。菑縣有董仲舒祠。廣川臺今景州西南有董家里一名董學村。又有廣川鎮。卽仲舒下帷處。舊有祠。董里適在二州之境。故今惠州學內有董子讀書臺。廣川之地二州皆有之也。西有九城有邸閣。城內有晉條令魯國孔栩清惠碑。又漢書地理志有菑縣。渤海郡有脩市侯國。周亞夫封條侯。爾雅釋草云條菑。郭景純亦未詳也。然二縣竝名非無故矣。又按惠州正西爲棗強縣。亦故廣川縣地。司馬彪曰棗強縣北有棘津城。呂尚賣食之困疑卽在此。又城東十八里村中土人掘地得北魏高植墓石。拓跋巨姓多家於此。菑之高猶清河之崔也。

西至真定府衡水縣。本漢信都國桃縣地。隋置衡水縣屬信都郡。唐宋金皆屬冀州。元割屬深州。明仍舊。今因之。按衡水者禹貢單懷底績。至於衡漳。孔安國云漳水衡流入河。鄭康成亦云橫漳漳水橫流。王肅云衡漳二水名。謬矣。縣西北有孔賢莊。孔穎達墓。蓋其故里云。衡水縣界東距惠州治三十里。其水橫流入惠州也。

西南至河間府故城縣。漢清河郡東陽縣地。漢晉後魏及隋俱屬清河。唐屬貝州。宋屬恩縣。金爲上故城鎮。元初爲故城縣。屬河間路。明仍舊。今因之。按故城衛河所經。又與東昌恩縣同。皆古平原清河之境也。今由惠州城西渡衛河西南行二十里。入故城界。有丞相屯。土人云是甘茂故里。三千年之遠。畱此名矣。

論曰州之互異。豈惟陵與德哉。實由名號驟易。境土屢分。或一郡一縣。割成四五。四五之中。亟有難合。星羅碁布。豆割瓜分。

參伍之所未窮。巧曆之所不算。故其爭平原清河之界者。王翁跨鳴犢之河。爵隄過馬丹之堠。於平原有郡縣之通殊。於陵縣有陵惠之互改。廣川三變。州居其一。蓀菴之草。分縣治而並藝。棗棘之樹。別城津而異林。吳橋之川。總皆陵地。平昌之縣。並有惠名。與夫恩縣爲歷亭之都。故城亦東陽之舊。此二縣者。本爲一處。地理參差。其詳難舉。今欲考趙勝之食邑。決孫禮之按圖。驗張甲於雲城。起甘屯於息壤。董家之里。或見江都。孔賢之莊。無非曲阜。則四照之樹。悉爾生花。五衢之葉。俱成辨路。雖廣袤所及。豈曰侵官。縱橫言之。不爲越俎者矣。

蒙齋 田雯 編

九河故道在州東南二十餘里曰古黃河崖堤猶存卽九河逕流之故道也黃河入海歷經遷徙禹時注碣石漢世移東郡乃注勃海後漸南徙今從雲梯關入海其爲古黃河者禹貢導河積石至於龍門南至於華陰東至於底柱又東至於孟津東過洛汭至於大伾北過洛水至於大陸又北播爲九河同爲逆河入于海謂碣石也又云九河旣道孔傳云平原以北桑欽水經謂之大河故瀆也今欲考濫觴於二原觀浴口於九道消異說之爭鳴原舊物之有在則黃河之故道可得詳矣若夫東海方丈亦有崑崙之稱西王玉堂更別酒泉之境蒲昌蔥嶺誰討其淵于闐天墟莫名其處前史有烏覩之論後世資繙繹之言又非所論已。

卷二

一

爾雅九河一曰徒駭二曰太史三曰馬頰四曰覆醜五曰胡蘇六曰簡七曰潔八曰鉤盤九曰鬲津郭璞注之矣李巡曰徒駭者禹疏九河以徒衆起故曰徒駭太史者禹大使徒衆通其水道故曰太史馬頰者河勢上廣下狹狀如馬頰也覆醜者水中多渚往往而處形如覆釜胡蘇者其水下流故曰胡蘇胡下也蘇流也簡大也河水深而大也潔言河水多山石治之苦絜絜若也鉤盤言河水曲如鉤屈折如盤也鬲津河水狹小可鬲以爲津也孫炎曰徒駭禹疏九河用功雖廣衆懼不成故曰徒駭胡蘇水流多散其餘同春秋緯寶乾圖云移河爲界在齊闔闕八流以自廣尚書中候亦云齊桓之霸遏八流以自廣鄭氏據此文爲齊桓塞之塞其東流八枝竝

使歸于徒駭也。夫欲明九河，必先知其上游。曰二渠，曰泲水，曰大陸。又知其下尾，曰逆河，曰碣石，曰勃海。

二渠者，史記河渠書、漢書溝洫志並云：至于大伾，禹以河所從來者高，水湍悍，難以行平地，數爲敗。廼醜二渠以引其河北，載之高地，過泲水，至于大陸，播爲九河，同爲逆河，入于海。漢塞瓠子，北行二渠，復禹之迹。孟康曰：醜，分也。二渠，其一出貝丘，其一則泲川也。河自王莽遂空，惟用泲耳。索隱曰：二渠其一則泲川，其一王莽遂空也。故俗謂之王莽河。隋煬帝引衛之淇水入河爲永濟渠。

泲水有二說。其一地理志云：泲水在信都縣，班固漢書以襄國爲信都，在大陸之南。其一鄭康成以降讀作降，下江反，聲轉爲共。河內共縣，淇水出焉。周時國於此地者，惡言泲水，改爲

卷二

二

共。尚書正義以爲此鄭臆說，不可從也。水經注云：鄭氏注尚書引地說云：大河東北過絳水千里，至大陸，爲地腹。水土之名變易，世失其處。見泲水，則以爲絳水，或作絳字，非也。降讀當如城降于齊師之降。又今河所徙，去大陸遠矣。館陶北屯氏河，其故道與九河旣播，八牧代絕，遺迹故稱。往往時存。故禹般列於東北，徒駭、瀆、連、漳、絳，同逆之狀，粗分。陂障之會，猶在。案經考瀆，自安故目矣。

史記正義曰：大陸澤在邢州，及趙州界，一名廣阿澤，一名鉅鹿澤。今鉅鹿縣廣阿澤及隆平縣廣阿城，故大陸也。

逆河者，禹貢同爲逆河，入于海。孔傳曰：爲一大河名逆河。漢書地理志：莽曰：迎河。師古曰：在勃海之濱，因以爲名。又勃海郡南皮縣有莽迎河亭。師古曰：言相迎受也。